

醫

學

綱

目

醫學綱目卷之二十六

咳嗽

乾咳嗽

咳嗽中作聲

暴嗽

久嗽

孕嗽

大法

咳嗽無痰而有聲肺氣傷而不清也嗽無聲而有痰脾濕動而為痰也若咳嗽有痰而有聲者因傷肺氣動於脾濕故咳而熱嗽也脾濕者秋傷於濕積於脾也故內經曰秋傷於濕冬必咳嗽大抵素秋之氣宜清而肅若反動之則氣必上衝而為咳嗽甚則動脾濕而為痰也是知脾無留濕雖傷肺氣亦不為痰若有痰而寒少熱多故咳嗽非專主乎肺病以肺主皮毛而司於外故風寒先能傷之內經曰五臟六腑皆能使人咳非獨肺也各以其時主之而受病焉非其時傳而與之也所病不等寒燥濕風火皆能令人咳惟濕病痰飲入胃留之而不行上入於肺則為

嗽假令濕在心經謂之熱痰濕在肝經謂之風痰濕在肺經謂之氣痰濕在腎經謂之寒痰所治不同各宜隨症而治之若咳而無痰者以辛甘溫其肺故咳嗽者治痰爲先治痰者下氣爲上是以半夏南星勝其痰而咳嗽自安枳殼陳皮利其氣而痰自下痰而能食者大承氣湯微利之痰而不能食者厚朴湯治之夏月嗽而發熱者謂之熱嗽小柴胡四兩入石膏一兩知母五錢用之冬時嗽而發寒者謂之寒嗽小青龍湯加杏仁用之然此爲大例更宜隨症隨時加減量其虛實此治法之大體也

人持
上半日嗽多屬胃中有火用貝母石膏降胃火午後嗽多屬陰虛必用四物湯加知母炒黃柏先降其火黃昏嗽多此火氣浮於肺不宜用涼藥五味子五倍子歛而降之春嗽是春升之氣
夏是火炎上最重

秋是濕熱傷肺

冬是風寒外束

冬先

治嗽藥大槩多用生姜以其辛散也 咳逆非蛤粉青黛

瓜蒌貝母不除 大槩有痰者加痰藥 用藥發散之後

必以半夏逐其痰庶不再來 治嗽痰多用栗殼不必疑

但要先去病根此乃收後藥也

冬先

凡上氣多有服吐藥得瘥亦有針灸得除者宜深體悟

之

未裏

仲咳而脉浮者厚朴麻黃湯主之

厚朴五兩

麻黃四兩

石膏如雞子大

杏仁半升

半夏半升

乾姜二兩

細辛二兩

小麥升

五味子半升

右以水一斗三升先煮小麥熟去查納諸藥煮取三升

溫服一升日三服

脉沉者澤漆湯主之

半夏升半

紫參

五錢一作紫苑

澤漆

三斤以東瀝水五升半煮取一斗五升

生姜

白前

各五兩

甘草

黃芩

人參

桂枝

各三兩

右咬咀內澤漆汁中煮取五升溫服五合至夜盡

附 感冒風寒咳嗽者行痰開腠理二陳湯加麻黃杏仁桔梗

附 三拗湯治咳嗽感冒風寒鼻塞聲重

甘草

炙

麻黃

不去節

杏仁

不去皮尖

右咬咀每服五錢水一盞半姜五片煎服

附 巡檢舍人夜嗽多脉大而浮三拗湯加知母黃芩生姜

煎 一男子五十餘歲患咳嗽惡風寒口燥乾心微痛兩

手脉浮緊脅脇痞滿而數左手大於右手大槩表感裏虛

問其人平日好嗜酒肉素有食積後因汗房勞又往來涉寒水且冒微雨又忍飢歸後繼以飽食酒肉而病先用人參每貼四錢麻黃根節一錢半與二三服咳嗽止惡風寒除後改用厚朴枳實陳皮青皮瓜蒌仁半夏為丸與二十餘貼用人參湯送下痞滿亦散而愈

廿三嬌感冷嗽上有痰

麻黃錢一

蒼朮錢二

瓜蒌

陳皮

半夏錢各三

枳殼錢三

黃芩錢一

桔梗錢二

木通錢一

甘草錢一

右分二貼加姜三片煎服

一婦人患嗽頭痛身膈痛

陳皮錢二

人參

川芎

麻黃

枳殼錢各一

分二貼水煎服

婦人患身疼嗽而食少

白朮

黃芩

芍藥各三錢

川芎二錢

木通

紫蘇各一錢半

甘草五分

右四貼熱服

脾肺

夫咳之為病有一咳即出痰者脾勝濕而痰滑也有連欬

十數不能出痰者肺燥勝痰濕也滑者宜南星半夏皂角

灰之屬燥其脾若利氣之劑所當忌也澁者宜枳殼紫蘇

杏仁之屬利其肺若燥肺之劑所當忌也

綠脾濕

治風痰嗽其脉弦而青四肢滿悶便溺閉澁必多燥怒宜

以水煮金花丸主之

南星

半夏各一兩

天麻五錢

雄黃一錢

白堊三兩

寒水石一兩

右為末水丸如桐子大每服五十七丸至百丸煎漿水

沸下藥煮令浮為度淡漿水浸之以姜湯下

羅化痰玉壺丸治風痰吐逆頭痛日眩嗽嘔吐

天南星

半夏生各一兩

天麻半兩

白麴三兩

右為細末滴水為丸如桐子大每服三十丸水煮令藥浮漉出放溫姜湯下

羅天麻丸治風痰

天麻

半夏

天南星各一兩

雄黃少許

白麴三兩

右以水丸每服五七十丸至百丸先煎水沸下丸煮十餘沸後用姜湯下食前

小黃丸治熱痰咳嗽脉洪面赤煩燥心痛唇口乾燥多喜笑

天南星

洗

半夏各一兩

黃芩半兩

右為細末姜汁浸蒸餅為丸如桐子大每服五十丸至七十丸

白朮丸治濕痰咳嗽脉緩面赤肢體沉重嗜臥不收腹脹而食不消

天南星

半夏各一兩

白朮一兩半

右為細末湯浸蒸餅為丸桐子大每服五七十丸姜湯下食後局方防已丸亦可用

玉粉丸治氣痰咳嗽脉急面白氣上喘促漉洒寒熱悲愁不樂

天南星

半夏各一兩

陳皮去白二兩

右為細末湯浸蒸餅為丸如桐子大每服五七十丸人參生薑湯下食後服

姜桂丸治寒痰咳嗽脉沉面色黧黑小便急痛足寒而逆

心多恐怖

天南星

半夏各一兩

官桂去皮

右為細末蒸餅為丸如桐子大每服五七十丸生薑湯下食後

治嗽加減法 如心下痞悶加枳實五錢 如身熱甚加

黃連五錢 如體重加茯苓白朮各一兩 如氣逆上者

加苦葶藶五錢 如氣促者加人參桔梗各五錢 如氣

浮腫者加郁李仁杏仁各五錢 如大便秘者加大黃五

錢

羅太白丹治三焦氣滯破除餘痰止嗽開胃

半夏洗

天南星炮

寒水石炮

白礬枯

白附子炮

乾姜炮各等分

右為細末麪糊丸如桐子大每服三十丸溫生薑湯下

食後

世法製半夏用大半夏不拘多少湯洗七次去臍焙乾再洗七遍用米泔浸一日夜取出控乾每半夏一兩用白礬一兩半研溫水化浸上畱水兩指許頻攪冬月宜煖處頓放浸五日夜取出焙乾用鉛白霜一錢溫水化又浸二日夜通七日盡取出再用漿水於慢火內煮勿令滾候漿水極熟取出焙乾每服一二粒食後細嚼生薑湯下

石九方治濕痰滑而易出潔古所謂南星半夏勝其痰而咳嗽自安者是也

羅人參欬花散治肺胃虛寒久嗽不已咽膈滿悶咳嗽痰涎嘔逆惡心腹脇脹滿腰背倦痛或虛勞冷嗽及遠年近日一切嗽病諸藥不效並皆治之

欬花

人參

五味子

紫苑

桑白皮各一兩 杏仁八錢 木香 檳榔

紫蘇葉 半夏湯泡各五錢

右為細末煉蜜為丸如鷄頭仁大每服一丸食後細嚼

淡姜湯送下

紫蘇半夏湯治喘嗽痰涎寒熱往來

紫蘇 半夏 紫菀茸 陳皮

五味子各五錢 桑白皮一兩 杏仁去皮尖一兩

右為籠末每服三錢生姜三片水煎日三服

回紫蘇飲子治脾肺虛實寒涎痰咳嗽

紫蘇葉 桑白皮 青皮 五味子

麻黃 杏仁 陳皮 人參

半夏 甘草炙各五錢

右咬咀每服五錢水二盞姜三片煎至七分溫服

本治肺感風寒作嗽紫蘇散

紫蘇

桑白皮

五味子

杏仁

麻黃

甘草

青皮各等分

右為細末每服二錢水一盞煎七分溫服

治嗽杏參飲

杏仁

欬冬花

前胡

半夏制

五味子

麻黃

柴胡

桑白皮

人參

桔梗各等分

右為細末每服三錢水一盞半生薑五片同煎七分通

口服

右利肺氣藥紫蘇麻黃表多者宜之

利脇丸主胃中不利痰涎咳嗽喘促利脾胃壅滯調秘

泄藏推陳致新化食治利脇氣之妙品也

欬而喘
黃連湯
黃連
黃

木香

檳榔

藿香

各一錢

甘草

各一錢

人參

當歸

厚朴

各三錢

大黃

酒炒

枳實

各一錢

右為細末水丸桐子大每服三五十丸

附有婦人患肺熱久嗽身如炙肌瘦將成肺癆以枇杷葉

木通款花紫苑杏仁桑白皮各等分大黃減半各如常製

治訖同為末蜜丸如櫻桃大食後夜臥各含化一丸未終

一劑而愈

有利肺氣藥加大黃脾胃壅滯者宜之

世杏仁煎治哮喘寒熱甚少喘多面色不潤食少脉強緊

杏仁一兩去皮尖用童便浸一日一換夏月一日三換浸

半月取出洗淨焙乾研令極細每服一匙大用薄荷葉

白蜜少許水一盞煎食後服甚不過兩劑永瘥

干用童便浸杏仁七日漉出洗淨研成泥別入瓷瓶中換小便煎成膏熱水下二錢瘥

圖用童便一升浸杏仁三升春夏七日秋冬二七日并皮尖研細濾取汁煮令魚目沸候軟如麪糊即成用柳篋攪勿令着底即以簾布攤乾為丸每服三五丸茶酒任下

肺帶痰嗽睡不安者

貝母

杏仁

右為細末砂糖入姜汁蒸餅丸含化

右童便浸杏仁利肺氣潤劑也津液枯少者宜之

潤下丸治氣實有痰又治積氣并大腸經氣滯痰嗽

陳皮去白

甘草

食鹽各五錢

右以水拌令鹽水乾焙燥為末蒸餅為桐子大或為末白湯點服立效

衍有人患氣嗽將期或教以橘皮生姜焙乾神麪等分末

為丸如桐子大食後夜以米飲服三五十丸兼舊患膀胱氣綠服此皆愈

氣死形實麻澁者宜利

玉粉丸治氣痰脉澁方見前

氣死形實麻澁者宜利

局桔梗湯除痰下氣胃脘脹滿痰逆惡心飲食不進

陳皮白

半夏

桔梗十兩

枳實

石末每服二錢水一盞生姜五片同煎七分去渣服

右用陳皮枳實氣死形實者宜之寒者加姜桂些少後二方有星半痰澁甚者忌服夫形肥或有汗或脉緩體重嗜臥之人咳者脾濕勝也形瘦或夏月無汗或脉澁之人咳者肺燥勝也濕者宜白朮蒼朮茯苓之屬燥之是也燥者宜杏仁瓜蒌之屬潤之是也

形肥脉澁者宜利

白朮湯治咳嗽體重嗜臥脉緩前濕條白朮丸亦治此病

白朮

茯苓

半夏各等分

右為麤末作五分或半兩甚者加水二盞姜七片煎至一半取清水調神麴末二錢服之病甚者玉壺丸大妙
水除根

白朮散治夏暑大熱或醉飲冷酒痰濕不止膈不利

白朮

茯苓

黃芩

半夏各等分

右為麤末每服五錢水二盞姜三片同煎去渣調陳皮神麴末各一錢食後服

保酒性大熱不宜大飲蓋酒味熱而引飲冷與熱凝於胃中不散而成濕故痰作矣甚者吐之後與五苓甘露勝濕去痰之劑

右三方白朮燥濕半星勝痰形肥痰滑者宜之

防風丸治痰嗽胃中氣不清利者枳實丸亦治此症

九

防風

枳殼炒各半兩

白朮一兩

右為末煨飯丸每服六七十丸姜湯下

仁十二孺人虛而有濕痰膈上有熱

白朮

滑石各一兩

陳皮

木通五錢

黃芩三錢

甘草一錢

分六貼水煎服

七九嬌嗽有痰

蒼朮一兩

半夏一錢

陳皮半錢

甘草二分

茯苓五分

桔梗二分

姜三片煎服

治濕痰

蒼朮三錢

白朮六錢

香附一錢

芍藥酒二錢

右蒸餅丸

治肥人濕痰

苦參

半夏各一錢半

白朮二錢半

陳皮一錢

右竹一服姜三片竹瀝與水共一盞煎食遠吞三補丸

十五丸

羅 卑角化痰丸治癆風心脾壅滯痰涎盛多喉中不利涕唾稠枯咽塞吐逆不思飲食或時昏瞶

枳殼炒二

天南星炮

白附子炮

半夏湯洗七次

白茯苓

人參去芦

赤茯苓去皮各一兩

卑角木白皮酥炙

右為細末生薑汁麴糊為丸如桐子大每服三十丸溫水下食後

丹 白龍丸治酒積有痰

半夏

滑石

茯苓

白礬枯各等分

右為末神麴糊為丸

右七方白朮蒼朮白附子半夏燥濕枳殼陳皮利氣形肥痰澁者宜之

痰

宋徽宗妃苦痰面浮如盤李醫用蚌粉新瓦上炒令通紅放地上出火毒每半兩加青黛少許同淡鹽水滴入麻油數點調服而愈

寒痰

本草治喘嗽汗多者忌用

草烏錢五

麻黃錢二

右為末每服三大錢蘿蔔一箇同煮令熟只喫蘿蔔妙

形瘦肺虛無干者五潤肺

杏仁煎潤肺丸已上二方見原痰條

潤肺散

貝母兩一

瓜蒌仁兩半

青黛錢五

右為末姜蜜調成膏噀

抑痰丸

瓜蒌仁兩一

半夏錢二

貝母錢三

右為末炊餅丸如麻子大

咳逆上氣痰飲心痛

海蛤

說為粉研極細過數日火毒散用之

瓜蒌仁

帶殼同研

右為丸如麻子大白湯下

楊文治痰嗽利胸膈方瓜蒌肥大者割開去子洗淨槌破刮皮細切焙乾半夏四十九箇湯洗十遍槌破焙乾為末用洗瓜蒌實熱水并穰同熬成膏為丸如桐子大生姜湯下二十丸

飽食傷脾嗽

干溫脾湯治食飽則咳

甘草兩

大棗二十枚

右二味咬咀水五升煮水貳升溫分三服若咽中痛而聲鳴者加乾姜一兩

吃醋搶喉

聖甘膽丸治吃醋搶喉因成咳嗽不止諸藥無效用甘草

二兩去赤皮作二寸段中半劈開用猪膽汁五枚浸三日取出火上炙乾為細末煉蜜丸每服四十九茶清吞下臥服神效曾有人患此諸藥不效用此方一服愈

肺嗽

丹飲酒傷肺痰嗽以竹瀝煎入菲汁就吞瓜蒌仁七仁

連丸

治酒嗽

青黛

瓜蒌仁

用蜜姜丸含化散肺毒也

食積嗽

食停積嗽非青黛瓜蒌實不除有食積人面青白黃色不

常面上如蟹爪路一黃一白者是也

清金丸治食積嗽

方見虛實條

瓜蒌丸治食痰壅滯喘咳

瓜蒌實

半夏

山查

神麴各等分

為末瓜蒌穰水為丸竹瀝姜湯送下

又方治食積痰嗽

杏仁

蘿蔔子

各二

為末粥丸服

食積痰作嗽發熱者

半夏

南星

瓜蒌實

蘿蔔子佐

青黛

石碱使

隨症加減九服之

肺痿專在養肺養氣養血清金

仲生薑甘草湯治肺痿咳吐涎沫不止咽燥而渴

生薑五兩

人參二兩

甘草四兩

大棗十五枚

右四味以水七升煮取三升分溫三服

炙甘草湯治肺痿涎唾多心中溫溫液液者用甘草一味以水三升煮半升分三溫服

桂枝去芍藥加皁莢湯治肺痿吐涎沫

桂枝

生薑各三兩

甘草一兩

大棗十枚

皁莢

十枚去皮弦炙焦

右五味以水七升微微火煮取三升分三溫服

肺痿吐涎沫而不咳者其人不渴必遺尿小便數所以然

診

者以上虛不能制下故也此為肺中冷必眩多涎吐甘草
乾姜湯以溫之若服湯口渴者屬消渴

甘草炙四兩 乾姜二兩

右咬咀以水三升煮取一升五合去渣分溫再服

右治肺痿症或咳沫或咳血今編咳沫者入此門咳血
者入咳吐血門

熱在上焦者因咳為肺痿肺痿之病從何得之師曰或從
汗出或從嘔吐或從消渴小便便利數或從便難又被快藥
下利重亡津液故得之

肺咳而口中自有津液舌上胎滑此為浮寒非肺痿也

肺脹

咳而上氣煩燥者為肺脹仲景云咳而上氣此為肺脹脈
浮大者越婢加半夏湯主之又云肺脹咳而上氣煩躁而
喘脈浮者心下水小青龍湯加石膏主之二方並見喘門

丹肺脹而咳者用訶子青黛杏仁 訶子能治肺氣因火

傷極遂成鬱遏脹滿不得眠一邊取其味酸苦有收斂除

火之功佐以海石香附瓜蒌仁青黛半夏麴姜蜜調噙之

香附用童便浸三日 脉鬱痰嗽睡不安宜清化丸貝母杏仁為末

沙糖入姜汁蒸餅為丸噙化清化丸方見火熱條 肺脹而嗽或左

或右不得眠此痰夾瘀血礙氣而病宜養血以流動平氣

降火疎肝以清痰四物湯加桃仁訶子青皮竹瀝之類

如血礙氣作嗽者桃仁大黃姜汁丸服

針灸

一法灸但可一邊眠者可左側者灸右足三陰交可右側

者灸左足三陰交立安

經治氣嗽嗽久者亦主之生訶子一枚含之嚙津瘥瘥後

不知食味煎枇杷湯服之便有味

肺咳酸

丹定喘切方

訶子

百藥箭

荊芥各等分

為末姜蜜丸含化

治嗽切方

五味子兩

甘草半錢

五倍子錢

風化硝

為末蜜丸乾含化

世治痰嗽并喘白礬飛五倍子等分為末每二錢猪肝蘸藥臨臥服

本化痰涎方

明礬二兩

白殭蚕半兩炒

右為細末生研薄荷令爛和丸如棗葢大每服二十九薄荷湯下日三服

治遠年近日喘嗽用皂角不蛀者二大莖剉去黑皮切開去子每子倉內入巴菰肉一粒合就麻皮縛定用生姜自然汁和蜜塗令周匝慢火炙之又塗又炙以焦黃為度劈開去巴菰以好明礬一兩枯過草麻七箇姜汁和蜜塗炙前三味為末却以杏仁二兩去皮尖研成膏與前藥和勻

每服一錢用柿餅炙過候冷蘸藥細嚼臨臥服忌魚鮮鮓
鯊油麵酒米醋煎煨熱毒等物

右訶子五味五倍白礬例丹溪云黃昏嗽者火浮於肺
酸味欬而降之是也

肺欲收
急食酸
以收之

羅九仙散治一切咳嗽

桑白皮 人參

桔梗 阿膠

五味子 烏梅

款冬花各一兩 貝母半兩

栗殼八兩去蒂蜜炒黃

右為細末每服三錢白湯點服嗽住止後服

款花清肺散治咳嗽喘促胸膈不利不得安臥

人參去土 甘草炒 白礬枯 烏梅和核碎

款冬花各一兩 甜葶藶生用一錢 栗殼醋炒四兩

右為細末每服二錢溫米飲湯調服食後忌油膩物多

言語損氣

人參清肺湯治男子婦人肺胃虛寒咳嗽氣急胸膈咽塞
腹脇脹滿迫塞短氣喜飲飲冷咽嗝隱痛及療肺痿勞嗽
吐血腥臭乾嘔煩熱聲音不出肌肉消瘦倦怠減食

烏梅

地骨皮

人參

甘草

阿膠

杏仁去皮炒

桑白皮

知母

栗殼

去頂蒂炒
各一兩

右咬咀每服三錢水一盞半入烏梅一箇同煎至一盞
去渣溫服食後臨臥

人參欬花散治咳嗽久不愈者

人參

款冬花

知母

貝母

半夏

栗殼

右為齏末每服五錢烏梅同煎臨臥服

安肺散治痰嗽不問新舊

麻黃

二兩去節

甘草

三兩

御米殼

四兩

去黃色

右為末每三錢水一盞入烏梅一箇煎七分去渣溫服

臨臥下

人參理肺散治喘嗽不止

麻黃

去節炒

當歸

木香

各一兩

御米殼

炒

人參

二兩

杏仁

二兩

右以咀每服四錢水煎

右御米殼烏梅例收後藥也

世治嗽貝母去心畧炒知母去毛各一兩巴豆霜十四粒

為末和勻老生麥切如錢厚兩面蘸藥末臥嚼嚼時開口

勿咽

主治咳嗽胸膈滿多喘上氣

生姜

升半

砂糖

五兩

右二味煎姜汁減半納糖更煎服

咳嗽上氣厥在胸中過在手陽明太陰

全文則治虛實法

海肺咳喘息而有音甚則吐血麻黃湯

太陽咳而遺矢

赤石脂湯餘糧湯桃仁湯不止用猪苓分水散 心咳心

痛喉中介介鯁狀甚則咽喉痺用桔梗湯

小腸咳咳而

失氣氣與咳俱失芍藥甘草湯

與夏脈不及病同蓋小腸為心之府故也

肝

咳兩脇下痛甚不可以轉轉則兩脇下滿小柴胡湯

引脇痛者熱飲宜上蜜湯丹溪云咳引脇痛宜疎肝氣

肝

咳嘔膽汁黃芩加半夏生薑湯

脾咳右脇下痛陰陰痛

引肩背甚則不可以動動則咳劇升麻湯

胃咳嘔嘔甚

則長虫出烏梅丸

腎咳腰背相引而痛甚則咳涎麻黃

附子細辛湯

膀胱咳遺溺茯苓甘草湯

三焦咳腹滿

不欲飲食此皆聚於胃關於肺使人多涕唾而面浮腫氣

逆錢氏異攻散

素咳嗽煩寃者是腎氣之逆也示從客篇一陽發病少氣善

咳善泄夏脉不及則今人上見咳唾下為氣泄全文見治虛實

法

寒熱面赤脈洪

凡咳嗽面赤胸腹脇常熱惟於足乍有涼時其脉洪者熱

痰不指熱

痰在胸膈也宜小陷胸湯礞石丸之類清膈降痰甚而不

已者宜吐下其痰熱也面白悲噓或脇急脹痛或脉沉弦

細遲而咳者寒飲在胸腹也宜辛熱去之

世小陷胸湯治咳嗽膈有熱痰胸脇腹常熱者神效方見傷寒

丹黃連化痰丸

黃連 吳茱萸一錢半 陳皮五錢 半夏一兩

右為末麵糊丸如菉萋大每服百丸生薑湯下

右黃連半夏治痰嗽例

青礞石九去痰或痞痛經絡中有痰皆能治之

青礞石五錢 半夏二兩 風化硝二錢 陳皮七錢

白朮一兩 茯苓七錢 黃芩半兩

右炒神麴姜糊丸

又方礞石丸治痰

礞石半兩 半夏七錢 南星 茯苓各五錢

風化硝二錢

右為末神麴糊丸

痰嗽化痰方

黃芩一兩半 滑石半兩 貝母 南星各一兩

風化硝二錢 白芥子五錢

右為末湯浸蒸餅丸月溪云膈下痰非白芥子不能除

右風化硝佐礞石茯苓半夏治痰嗽例丹溪云礞石丸重在風化硝

瀝小黃丸治咳嗽面赤煩燥脉洪

方見前
濕痰條

羅人參半夏丸化痰墜涎止嗽定喘或風痰茶痰食痰一切痰逆嘔吐厥頭痛或風氣偏正頭風疼或壅頭目昏眩耳聾鼻塞咽乾胸膈不利

人參

茯苓

天南星

各半兩

半夏

乾姜

白礞

寒水石

各一兩

蛤粉

二兩

薄荷

錢五

藿香

二錢半

右爲細末水糊丸如桐子大每服三十丸生姜湯下食後日三服

金珠化痰丸治痰熱安神定志除頭痛眩暈心怔忡恍惚胸膈煩悶涕唾稠粘痰實咳嗽咽膈不利

生龍腦

研細

阜莢仁

炒黃

天竺黃

一兩

金箔

廿片為衣

白礬

枯二兩

半夏

姜汁制四兩

右阜角仁半為末與諸藥同拌勻生薑自然汁為丸如

桐子大每服三十九生薑湯下食後臨臥

人參清金丸治熱止嗽消痰定喘

柴胡

人參

各一兩

黃芩

甘草

炙

半夏

錢七

麥門冬

一兩

青黛

陳皮

錢各二

五味子

二十粒

右為細末水麪糊為丸如桐子大每服三十九溫白湯

下食後

直白服

垣脾肺受寒痰嗽用藥法

難經云肺太過則外症面白

要訣

善嚏悲愁不樂欲哭其內症喘咳上喝逆氣煩心胸滿煩

熱夜則涕出多嚏鼻塞不通肺金大實以子助母也心脾

肺皆受寒邪涎出口甘水反侮上寡於畏也腹中大寒病
名曰寒中痰白作泡肺中氣虛而為大寒子助母也當於
肺中瀉腎水非辛熱之藥不退也口甘涎沫者胃中寒而
不和以辛甘熱去之飲酒者多有此反化

半夏溫肺湯治心腹中脘痰水冷氣心下汪洋嘈雜常多
唾口中清水自出脇肋急脹痛不欲食此胃氣虛冷所致
其脈沉弦細遲

旋覆花

人參

細辛

桂心

甘草

陳皮

桔梗

芍藥

半夏半制各

赤茯苓三

右咬咀每服四錢姜三片煎食後服

丁香半夏丸治心下停飲多痰頭目眩暈睡臥口中多涎

檳榔三

丁香

半夏各一

細辛

乾姜

人參各五錢

右為細末生薑汁糊為丸如桐子大每服二十九姜湯下日三服食後

羅溫胃化痰丸治膈間有寒脾胃停飲胸膈不快痰涎不

半夏

泡三兩

陳皮

去白

乾姜

炮

白朮

焙各二兩

右為細末生薑麴糊為丸如桐子大每服二十九生薑湯下不拘時

潔姜桂丸治咳嗽面黧黑足寒服沉

方見前濕痰條

局胡椒理中丸治肺胃虛寒咳嗽氣急逆氣虛痞不能食

嘔吐痰水

款冬花

去枝根

蘇撿

陳皮

乾姜

炮

良姜

炒

甘草

炙

細辛

去苗

胡椒

各四兩

白朮五兩

右末煉蜜丸如桐子大每服三十丸溫湯下

仲吳茱萸湯方見傷寒

潔夏月嗽發寒熱者謂之熱嗽用小柴胡湯三兩加石膏

七錢知母三錢治之柴胡湯方見傷寒冬月嗽而發寒熱者謂

之寒嗽用小青龍湯加杏仁治之方見傷寒

丹火嗽宜清金化痰丸清化丸與清金丸同用專治熱

嗽及咽痛蓋苦能燥濕熱輕能治上取燈籠草葉為細末

蒸餅為丸每服三五十丸燈籠草即苦乾草其結房如燈籠狀故名之清金

丸一名與點丸去肺火降膈上熱痰與清化丸同用黃芩

一味炒為末水丸服痰因火動逆上作嗽者先治火次

治痰用知母止嗽清肺金滋陰降火火鬱嗽用訶子海

石瓜萎仁青黛半夏香附以開之喘嗽不拘老幼久近

上壅等疾槐花爲末滴水丸如桐子大熟水或姜湯下不拘時

羅柴胡飲治虛勞羸瘦面黃無力減食盜汗咳嗽不止

柴胡兩

五味子錢五

地骨皮半兩

鱉甲一兩
酥炙

知母兩一

右爲細末每服二錢入烏梅二枚青蒿五葉水煎去查服

本又方治勞嗽虛症及鼻流清涕耳作蟬鳴眼見黑花一切虛症丈夫婦人皆可服少年亦不妨

五味子兩二

鱉甲兩三

地骨皮兩三

右爲末煉蜜丸如桐子大空心食前溫酒或薑湯任意服三五十九婦人醋湯下此方乃曲江人家秘方余服之大有功效處方有理甚妙

海易簡杏子湯治咳嗽不問外感風寒內傷生冷及虛勞咯血痰飲停積皆治療

人參

半夏

茯苓

細辛

減半

乾姜

減半

甘草

桂枝

減半

芍藥

五味子

各等分

右咬咀每服四錢水一盞半杏仁去皮尖剉二皮姜三片煎至六分去渣溫服 若感冒得之加麻黃等分

若脾胃素實者用栗殼去筋膜剉碎以醋淹炒等分加之每貼加烏梅一枚煎服其效尤驗嘔逆惡心者不可用此 若久年咳嗽氣虛喘急去杏仁人參倍加麻黃芍藥乾姜五味子各增一半一名小青龍湯

潔古水黃金花丸治咳嗽多怒 天麻丸 羅氏化痰玉

聖丸

已上三方並見傷寒論

丹搜風化痰丸

人參

殭蚕

槐角

白礬

天麻

陳皮法

荆芥各一兩

半夏四兩
汁浸

辰砂兩半

右為末姜汁研蒸餅為丸除辰砂為衣每四十九姜湯

下

羅延壽丹治風壅痰嗽或寒痰咽膈不利

天麻兩半

枸杞一兩半

明礬一兩半
生半
枯乾姜一兩半

右為細末酒和成劑再用蒸餅裹定於籠內蒸熟去麩搓為丸如桐子大每服三十九溫水下食後臨臥

局防風丸治風痰上攻頭痛惡心項急目眩旋暈痰涎壅

滯昏憤

天麻酒浸
一宿

甘草炙

川芎洗

防風各一兩

朱砂五錢

右為末每兩作十九朱硃為衣每服一九荊芥湯化服

茶亦得不拘時

川芎九消風壅化痰涎利咽膈清目頭痛旋暈

川芎

薄荷去土各七錢半桔梗兩

防風去芦一兩半

甘草三兩半

右為末煉蜜為丸每兩半作五十九每服一九細嚼臘

茶清下食後臨臥

河間防風通聖散加半夏治風痰咳嗽方見千縉湯方見

喘喘潔古治痰嗽不能飲食者厚朴湯治之方見大便秘

實山喘嗽白殭蚕為末姜汁清茶調服臨臥下

潔治痰嗽能飲食者大承氣湯微下之方見傷寒

丹陰虛咳嗽四物湯加竹瀝姜汁主之陰分嗽者多屬

陰虛治之用知母止嗽勿用生薑以其辛散故也 肺虛嗽甚此好色腎虛者有之人參膏以陳皮生薑佐之

羅團參散治脉氣不利治咳喘止嗽

紫團參

款冬花

紫苑茸各等分

右為細末每服一錢水一盞烏梅一枚同煎七分去查溫服食後

陽虛者
參芪

人參款冬花膏治脾胃虛寒久嗽不已咽膈滿悶咳嗽痰涎嘔逆惡心腹脇脹滿腰背傷痛或虛勞冷嗽及遠年近日一切咳嗽諸藥不效者

款冬花

去核

人參

去

五味子

去

紫苑

去

桑白皮

去粗枝
各一兩

右為細末煉蜜和丸如鷄頭大每服一丸食後細嚼淡姜湯送下或一九分作四服含化亦得

食治咳嗽不瘥者黃明膠炙令半焦為末每服一錢七人
參末二錢七用豆豉湯一盞八分葱少許入銚子煎一兩
沸後傾入蜜遇咳嗽時呷三五口

本治十六般哮喘

黃明膠一兩

馬兜零

甘草炙

半夏

姜汁浸三日

人參

半兩

杏仁

去皮尖已上各一兩

右為細末每服一大錢水一盞煎至七分臨臥食後服
隨病有湯使為引

心嗽面赤或汗流加乾葛煎早飯後服 肝嗽眼泪出
加烏梅一枚大米十四粒煎 脾嗽不思飲食或一兩
時惡心入生薑二片煎 胃嗽吐逆酸水入蛤粉煎
膽嗽令人不睡加茯神五分茶清調下 肺嗽上喘氣
急入桑白皮煎 膈咳嗽出痰如真塊生薑汁調藥嚥

下勞嗽入秦艽末同煎 冷嗽天曉嗽甚葱白三十
同煎 血嗽連頓不住常歸末棗子同煎 暴嗽涕唾
稠粘入烏梅生薑同煎 產嗽背脚疼痛甘草三寸黃
蠟少許同煎 氣嗽肚痛脹滿入青皮去白同煎 熱
嗽夜甚蜜一七葱白同煎 哮喘喉如拽鋸入半夏三
枚同煎 腎嗽入黃芪白飴糖同煎
上件十六件般嗽痰依法煎服無不效驗此方乃京都
一家專治此疾因中官厚賂方始得傳屢試有效
右人參治嗽例

州有一子三十餘久瘡虛甚盜汗得嗽嗽來便熱夜甚

甘草

白朮

防風

黃連

人參

乾姜

黃芪

白水煎服

里成人多嗽怠惰脉不數兩手脉大而長此勞症無熱

白木半錢

陳皮

蒼朮

茯苓各五

神麴七分

川芎三分

黃芩三分

五味子七

芍藥五

黃芪

甘草各三分

用生薑二片同煎

陳孺人九十餘歲嗽或發或止發時有清痰寒熱作食少面虛浮淡黃色

陳皮

青皮

白木

芍藥各五錢

麻黃二錢

木通

乾姜

黃芩各二錢半

甘草炒

防風各一錢

分七貼五味子七粒煎三之一

雲補肺湯治勞嗽

桑白皮

熟地各三兩

人參

紫苑

黃芪

五味子各一兩

右為末每服三錢水煎入蜜少許食後

同款花補肺湯治年高氣弱肌體瘦困短氣遇秋冬咳嗽大作夜間尤甚三五百聲不絕春夏稍緩

黃芪

甘草

當歸

佛耳草

款冬花

陳皮

丹皮

黃栢

蒼朮

麴末

右咬咀每三錢水煎去查稍熱食後服

清肺湯除濕熱治金火嗽

黃芪

蒼朮

防風

歸身

茯苓

五味子

陳皮

青皮

澤瀉

黃栢

右剉如麻豆每服五錢水煎去查稍熱臨臥服

瀉火補肺湯治金火嗽五六月間嗽

五味子錢五

黃芪錢二

人參錢一

甘草錢一

陳皮去白錢一

麥門冬

青皮分五

升麻錢一

蒼朮錢一

歸身錢一

右判如麻豆大每服五錢水煎去查稍熱服

右參芪朮治嗽例後三方黃芪為君氣虛甚者宜之膈

滿食少者忌服

丹蛤蚧丸治肺臟內傷咳嗽氣急久不除漸羸瘦

蛤蚧

兩炙去頭尾 訶子煨取肉

細辛

甘草炙

阿膠炒粉

熟地

麥門冬去心各錢五

為末蜜丸每兩作十五丸每一丸食後含化

右蛤蚧丸久嗽不愈者宜之

羅大利膈丸治風痰實喘咳嗽風氣上攻

牽牛四兩生用

半夏洗

木香錢五

青皮去白兩二

痰在腸胃脈沉下實者宜

槐角

檳榔

大黃各三錢

皂角去皮炙

各三兩

右為細末生薑麪為丸每服五十九生薑湯下

丹墜痰丸治痰飲

枳實

枳殼一兩

明礬

三錢枯一兩半朴硝三錢風化

猪牙皂角

二錢

黑牽牛

半斤取霜末

右為末蘿蔔子汁為丸每服四十九鷄鳴時服初有痰

次有痰

右下痰用大黃牽牛有熱者宜之

世治久嗽痰積半夏二兩用江子五錢敲損同煮至半夏

無白心去江子不用杏仁一兩用烏梅半兩同煮去烏梅

不用止將半夏杏仁焙乾為末煉蜜丸如棗豆大量虛實

服服後下痰積

羅透羅丹治痰實咳嗽胸膈不利

皂角配炙去 黑牽牛微 半夏湯洗各二兩 巴豆去油另研一錢

大黃一兩水 杏仁炒去皮

右為細末生薑自然汁丸如桐子大食後生薑湯送下
二十九咳嗽甚者三四服必效

丹治痰嗽喘

南星錢二 半夏 滑石各三錢 江子五粒去油

輕粉少許

右用皂角仁浸濃汁丸梧子大每服七十九

本治諸般痰嗽

半夏姜汁浸一宿 天南星各兩 白礬各半兩 煅硝二錢

杏仁去皮尖 青礬各半兩 猪牙皂角去黑皮并子各半兩

巴豆廿一粒去殼主用

右一處為不姜糊丸如棗葦大每服十九臨臥姜湯

小兒五九

丹青金丸治食積火鬱嗽

貝母

知母各半

巴豆霜

右為末姜汁丸青黛為衣

右下痰用巴豆有寒者宜之

前一方用巴豆之氣虛者亦可服

濕欬氣丸治久嗽痰喘肺氣浮腫

青皮

陳皮

枳榔

木香

杏仁

茯苓

郁李仁去

川歸

廣茂

馬兜零炮

葶藶各三錢

人參

防已

各四錢

牽牛

頭末二兩半

右為細末姜汁麪糊丸如桐子大每服二十九加至七

十丸食後姜湯送下

羅紫參散治肺氣虛咳嗽喘急胸膈痞痛脚膝微腫

人參二錢 蛤蚧一對 白牽牛炒 甜葶藶炒

木香 苦葶藶炒 枳榔路五

右為末用熟棗肉丸每服四十丸煎人參湯下食後

右下痰用枳榔木香佐牽牛葶藶郁李仁久嗽面浮足

腫者宜之

孫兆視雷道矩病吐衄頃間已及一升喘咳不已面色黧

黯精神不快兆與服仲景葶藶大棗湯一服訖已覺胸中

快利畧無痰唾矣

本治氣喘咳嗽

大黃 葶藶一兩半

右為末煉蜜丸如桐子大每服五七十丸桑白皮湯下

右下痰用葶藶為效極速虛人忌用

仙咳家其脉弦為有水十棗湯主之 有支飲家欬煩胸中痛不卒死至一百日或一歲宜十棗湯

丹伯溫年近四十滋味厚素患咳嗽有痰與通神丸神水丸和勻食前生姜湯下五六十九後以津嚥小胃丹十五九日服六服

右十棗湯下痰仲景法也虛人審之丹溪變十棗為小胃丹而少服徐徐法也

痰在
腸胃
吐弦者宜

脉欬而時發熱脉卒弦者非虛也此為胸中寒實所致也當吐之咳家其脈弦欲行吐藥當相人強弱而無熱乃可吐之其脈沉者不可發汗

子和稀涎散 三聖散 仲景瓜蒂散已上三方並見治法門

右吐熱痰法輕者但用芫花梔仁蘿蔔子姜汁入酸漿汁探吐之

局碧霞丹

方見治法門

本治遠年近日哮喘妙方

砒

麪

海螵蛸

各一錢

右三味為末水調作餅子慢火炙黃再研令細每服一
字用井花水調一大呷空心服良久吐出為度小兒加
減與之忌食毒物

右吐寒痰法丸用藜蘆瓜蒂吐不透者用附尖神效

吐下兼施

子和常仲明病寒熱往來時咳一二聲面黃無力懶思飲
食夜多寢汗日漸瘦削諸醫作虛損治之用二十四味燒
肝散鹿茸牛膝補養二年口中痰出下部轉虛戴人斷之
曰上實也先以涌劑吐痰二三升次以柴胡飲子降火益
水不月餘復舊此症何名乃經中云二陽病也二陽之病
發心脾不得隱曲心受之則血不流故女子不月脾受之

功痰

本治勞嗽

則味不化故男子少精此二症名異而實同仲明之病味不化也 馳口鎮一男子年二十餘歲病勞嗽數年其聲欲出不出戴人問曾服藥否其人曰家貧未嘗服藥戴人曰年壯不妄服藥可治先以苦劑涌之次服舟車瀉丸大下之又服重劑果瘥 一田夫病勞嗽一涌一泄已減大半次服人參補肺湯臨臥更服栴榔丸以進食

右吐下兼施以攻其痰也

青礬

辰砂

雄黃

白礬

信

各一錢
生用

右並為末淡豆豉一百粒湯浸去殼研如膏入前五味丸如桐子大每服一九臨臥冷茶清下

治遠年近日喘嗽

蟬蛻

一兩去五靈脂生

砒生

雄黃生

杏仁

去皮尖輕粉

淡豆豉

四十馬兜零生一

右研除出輕粉另研餘為末用生薑等麝自然汁合輕粉諸藥為丸如小彈大每服一九臨臥細嚼生薑湯送下

右用信劫痰例蓋為寒濕痰設也

運氣咳有二

一曰火經云少陽司天之政初之氣候乃大溫其病氣拂於上欬逆二之氣火反勝白埃四起其病熱鬱於上欬逆三之氣炎暑至民病咳終之氣風乃至其病陽氣不嚴而咳是也

二曰燥熱經云少陰司天之政水火寒熱持於氣交民病咳喘三之氣大火行寒氣時至民病咳喘此上熱下燥為

咳喘也終之氣燥令行餘火內格咳喘此外燥包熱之咳喘也

雜方

本治諸嗽久不瘥貝母湯

貝母

一兩去心姜制

黃芩

半兩

乾姜

生一兩

五味子

陳皮

各一兩

桑白皮

半兩

半夏

柴胡

桂心

各一兩

木香

甘草

各一分

右為粗末每服五錢水一盞半加杏仁七箇去皮尖生姜七片煎去查熱服有姓蔣者其妻積年嗽制此方授之一服瘥以治諸般嗽悉愈

右方有寒有熱有收有散諸嗽通用也

藏方

素黃帝問曰肺之令人欬何也岐伯對曰五臟六腑皆令

入欬非獨肺也帝曰願聞其狀岐伯曰皮毛者肺之合也

皮毛先受邪氣邪氣以從其合也

此邪從外受之王注云邪謂寒氣

其寒

飲食入胃從肺脉上至於肺則肺寒寒邪從外受也肺寒則外內

合邪因而客之則為肺欬所謂肺先受邪也五臟各以其時受病

王註云時非其時各傳以與之人與天地相參故五臟各

謂王月也以治時用治春心治夏肝治長夏脾治秋腎治冬也感於寒則受病微則為欬

甚則為泄為痛乘秋則肺先受邪乘春則肝先受之乘夏

則心先受之乘至陰則脾先受之乘冬則腎先受之帝曰

何以異之岐伯曰肺欬之狀欬而喘息有音甚則吐血取太

淵穴心欬之狀欬則心痛喉中介介如梗狀甚則咽腫喉

痺取太陵穴也肝欬之狀欬則兩脇下痛甚則不可以轉轉則

兩脇下滿取太衝穴也脾欬之狀欬則右脇下痛陰陰引肩背

甚則不可以動動則欬劇取太白穴也腎欬之狀欬則腰背相

引而痛甚則欬涎取大溪穴也帝曰六腑之欬奈何安所受

病岐伯曰五臟之久欬乃移於六腑脾欬不已則胃受之

胃欬之狀欬而嘔嘔甚則長虫出

取三里穴也

肝欬不已則肺

受之膽欬之狀欬嘔膽汁

取陽陵泉穴也

肺欬不已則大腸受之

大腸欬狀咳而遺矢

取巨虛上廉也

心欬不已則小腸受之小腸

欬狀欬而失氣氣與欬俱失

取巨虛上廉也

腎欬不已則膀胱

受之膀胱欬狀欬而遺溺

取委中穴也

久欬不已則三焦受之

三焦欬狀欬而腹滿不欲食飲此皆聚於胃關於肺使人

多涕唾而面浮腫氣逆也

取支溝穴也

帝曰治之奈何岐伯曰

治臟者治其俞治腑者治其合浮腫者治其經

見欬論

治欬灸天突肺俞二穴泄火熱瀉肺氣

欬灸兩乳下黑白際各百壯即瘥又以蒲黃乳頭周圍

圓身令前後正平當脊骨下解中灸十壯又以繩橫量口

中折繩從脊灸繩兩頭邊各八十壯三報三日畢兩邊者

是合度

玉 治咳嗽

身柱三分瀉 至陽三分補三呼不肺膈寸一分沿皮

瀉六吸寒素紅痰 又法 風門一分沿皮向

心 咳嗽喘滿氣急不食容顏鰲黑羣流清涕 風門沿皮

補之二十半 巨闕分瀉之三 太淵五分 期門平 下脘

五分 胃中七 中脘解之 絕骨三十半退 支

溝 脹滿妙穴也

婦人咳嗽寒熱往來風寒嘔逆勞疸中滿喘急

風門沿皮一寸半 太淵五分治 中脘三寸治嘔逆

效 絕骨 曲池各一寸半治寒 間使透支溝滿中

甲 欬逆上氣舌乾脇痛心煩肩寒少氣不足以息腹脹喘

尺澤主之 咳乾嘔煩滿俠白主之 欬上氣喘不息得

暴痺內逆肝肺相搏臍口出血身脹逆息不得臥天府主

之 欬逆上氣喘不得息嘔吐胸滿不得飲食輪府主之

欬逆上氣涎出多吐呼吸喘悸不得安臥中主之 胸

滿咳喘不得息嘔吐煩滿不得飲食神藏主之 欬逆上

氣魄戶及氣舍主之 欬逆上氣譫譫主之 胸脇痞滿

不得俛仰飲食不下咳唾沫膿周榮主之 欬而泄不欲

食者商丘主之 凄凄寒咳吐血逆氣入心痛手陰郄主

之 欬而胸滿前谷主之 欬逆上氣吐沫天容及行間

主之 欬逆不止三焦有水氣不能食維道主之 欬而

赤熱支滿主之 欬逆上氣咽喉癰腫呼吸短氣喘息不

通水突主之一作天突 欬上氣喘暴瘖不能言及舌下挾縫

青脈頸有大氣喉痺咽中乾急不得息喉中鳴翕翕寒熱

項痛肩痛胸痛腹皮熱衄氣短鯁心痛隱疹頭痛面皮赤

熱身肉盡不仁天突主之 欬逆上氣喘不能言華蓋主

之

診

成無已云欬者聲欬之欬俗謂之嗽者是也肺主氣形寒飲冷則傷之使氣上而不下逆而不收衝擊膈咽令喉中淫淫如痒習習如哽是冷嗽甚者續續不已連連不息坐臥不安言語不竟動引百脈咳聲聞四近矣聲枯咽切肺痿欬唾咽燥欲飲水者自愈自張口者短氣也

嗽肺脹壅遏不得眠者難治

人嗽十年其脉弱者可治實大數者死其脉虛者必苦胃其人本有支飲在胸中故也治屬飲家上氣面浮腫肩息其脉浮大不治又加利尤甚脉浮短者其人肺傷諸氣微少不過一年死法當嗽也欬嗽羸瘦脉形堅大者死

欬而脫形身熱脉小堅急以疾是逆也不過十五日死

忌

脈上氣脈數者死謂其形損故也 欬嗽脈沉緊者死浮直者生浮軟者生小沉伏匿者死

四欬嗽口燥咽乾有痰不用半夏用瓜蒌貝母飲水者不用瓜蒌恐泥膈不快

乾咳嗽

乾咳嗽者無痰有聲是也此症本於氣滯微者連咳十數聲方有痰出濇甚者雖咳十數聲亦無痰出是為乾咳嗽也

開胃
補陰

四乾咳嗽極難治此係火鬱之症乃痰鬱其火邪在中用苦桔梗以開之下用補陰降火之劑不已即成勞倒倉法好此不得志者有之宜用補陰方四物湯加竹瀝炒栢之類

氣滯

甘草

湯此仲景少陰咽痛藥也孫真人治肺癰吐膿血

用生甘草加減二十餘條

甘草一兩白木煎服

欬逆氣者加陳皮 欬嗽者加貝母知母 欬發渴者

加五味 吐膿血者加紫苑 肺痰者加阿膠 面目

腫者加茯苓 嘔者加生姜半夏 少氣者加人參麥

冬 膚痛者加黃芪 目赤者加梔子黃連 咽痛者

加鼠粘子竹茹 聲不出者加半夏桂枝 疫毒頭腫

者加鼠粘子大黃芒硝 胸痛膈不利者加枳殼 心

胸痞者加枳實 不得眠者加梔子 發狂者加防風

荊芥 酒毒者加葛根陳皮

不降熱

一中年婦人乾欬寸脉滑動似葢狀餘皆散大不浮左大

於右每五更心躁熱有汗但怒氣則甚與桔梗不開諸藥

不效遂以石膏香附為君冬連青黛門冬瓜葉實陳皮炒

雜方

栢歸梗爲臣五味砂仁川芎紫苑佐之凡二十餘貼而安
潔古蜜煎生姜湯蜜煎陳皮湯與燒生姜胡桃方皆治無
痰而嗽者以辛甘潤其肺也如但使青皮藥皆宜去白本
草云陳皮味辛理上氣去痰氣滯塞青皮味苦治下氣二
味俱用散三焦氣也故聖惠法治云陳皮去穰穰不除即
生痰麻黃發汗節不去則止汗

本補肺法

地黃

二斤生

杏仁

二兩

生姜

蜜

各四兩

右搗如泥入瓦盆中置飯上蒸五七度每五更挑三匙
嚥下

治久嗽方

白蜜

生姜

二斤

右二味先秤銅銚知斤兩訖納蜜後秤如數次納姜汁

以微火煮令姜汁盡惟有蜜斤兩在則止且服如棗大含一九日三服忌一切雜食

咳嗽喉中作聲

喉如肝聲為虛

一男子五十餘歲病傷寒咳嗽喉中聲如鉤與獨參湯一服而軒聲徐至二三貼欬嗽亦漸退凡服二三斤病始全愈

治久患啞呬咳嗽喉中作聲不得眠取白前搗為末溫

酒調二錢七衍義云白前保定肺氣

喉如水

仲欬而上氣喉中水鷄聲射干麻黃湯主之

射干兩三

麻黃

生姜各四兩

細辛

紫苑

欬冬花各三兩

大棗七枚

五味子

半夏各半升

右九味以水一斗二升先煮麻黃兩沸去上沫納諸藥

煮取三升分溫三服

干白前湯欬逆上氣身體浮腫短氣腫滿且夕倚壁不得臥喉中水鷄鳴

白前

紫苑

半夏

大戟

各三

右咬咀以水一斗浸一宿明旦煮取三升分三服

肺逆

葶陰爭於內陽擾於外魄汗未藏四逆而起起則熏肺使人喘鳴陰陽起居如故而息有音者此肺之絡脉逆也

人喘鳴陰陽

起居如故而息有音者此肺之絡脉逆也

脉絡不得隨經上下故留經而不行絡脉之病人也微故

起居如故而息有音也

逆訓論

針灸

督脉生病其上氣有音治其喉中央在缺盆中者天突其穴也

病上衝喉者治其漸漸者上俠頤也

王註謂天迎穴

甲咳喉中鳴唾血大鍾主之 胸脇支滿不得俛仰癢癢

欬逆上氣喉咽喝喝有聲太溪主之 咳逆上氣咽喉喝

喘息挾突主之

暴嗽

熱

治暴熱嗽方

杏仁

紫蘇子

升一

陳皮

兩一

柴胡

兩四

右咬咀以水一斗煮三升分三服

疾

山暴嗽白蜆殼洗淨研細粥飲下

本治暴嗽

砒霜

錢一

白礬

兩一兩飛過細研

右先將砒霜安放茶盞內却將白礬末鋪蓋火煨為末
烏梅肉丸如藁荳大朱砂為衣每服二丸紫蘇湯下

治暴嗽百部藤根搗自然汁和蜜等分沸煎成膏嚥之

久嗽

風寒
宜並

肺受風寒久嗽非此不能除南星欬花驚管石佛耳草

雄黃為末拌艾以姜一厚片雷舌上次用艾上燒之須令

煙入喉中一方無佛耳草有爵金 又方鷲管石雄黃各一分半另爲末欵花佛耳草各一分半另爲末却用紙一幅方方闊四五寸以鷲子清塗其中央四旁各懸一寸許不塗然後以鷲管石雄黃摻於鷲子清上又以欵花佛耳草末摻其上覆之又以一箭筈從不塗紙旁捲起爲一紙筒用糊粘牢其旁抽箭筈出焙乾用時將一紙筒含在口一頭火燒以口吸煙令滿嚥之嚥至燒筒盡爲度却喫茶二三口壓之

霍療久嗽藥法每日取欵花好鷲子少許蜜拌花使潤納一升鐵鑊中又用一瓦碗鑽一孔孔內安小竹筒或筆管亦得其筒稍長置碗鑊相合及插筒處皆麪糊塗之勿令泄氣鑊下着炭火少時欵冬煙自竹管出以口含筒吸取嚥之如胸中稍悶須舉頭即將指頭捻竹筒頭勿令漏煙

痰

氣出及煙盡止凡如是五日一為之至六日則飽食羊肉

銀鮓一頓永瘥

一法不用鐵碗用有嘴瓦瓶燒藥蓋住瓶口却以口於瓶嘴吸煙咽之尤捷

濕枳殼湯治久痰嗽胸膈不利者多上焦發熱

枳殼炒三兩

桔梗兩

黃芩一兩

右為細末每早取二兩半水三盞煎至一盞日作三服
午時一服中時一服臥時一服三日七兩半服盡又服
半夏湯

生半夏湯用半夏姜制切片每三錢半水盞半姜五片煎
至一盞食後服一日二三服二三日服了再服枳殼丸盡
其痰為度論曰先消胸中痰氣後去膈上痰再與枳木丸
謂首尾合治盡消其氣令痰不復作也

四久嗽丸

海蛤粉研

膽星臣

杏仁臣

訶子佐

青黛佐

皂角莢使

右為末姜汁丸如桐子大姜湯下

久嗽乃積痰久留肺脘粘滯如膠氣不能升降或挾濕與酒而作

香附童便浸

姜蚕炒

海蛤粉

瓜蒌仁

蜂房

杏仁

姜汁

竹瀝

神麴各等分

右為末蜜調嚥化

謝老人形實夏月無汗成久嗽痰

半夏姜制

紫蘇葉各一兩

右二味入莎末蜆殼末神麴末以瓜蒌穰桃仁半兩和

丸先服二枚湯三貼方服此丸子

男子五十歲舊年因暑月入冷水作勞患瘡後得痰嗽次

年夏末得弦脉而左手虛叩之必汗少而有痰身時時發熱痰如稠黃膠與下項方藥仍灸大椎風門肺俞五處

半夏一兩

白朮七錢

茯苓六錢

黃芩

陳皮

桔梗

枳殼

石膏煨各半兩

蠶炒二錢半

五味子一錢半

右用神麴糊丸姜湯下三十九丸先與三拗湯加黃芩白朮二貼夜與小胃丹十丸以攪其痰

潔古欬氣丸治久嗽浮腫 羅氏紫參散用蛤蚧衍義云

蛤蚧治久嗽有功

實者下之吐之

馬兜鈴丸治多年喘嗽不止大有神功

馬兜鈴去土

半夏湯洗七次焙乾杏仁去尖尖焚炒各一兩

巴豆二十一粒

已上除巴豆杏仁另研外餘為細末用皂角膏子為丸

如桐子大雄黃爲衣每十九臨臥煎烏梅湯下以引爲度

〔王治三十年咳嗽或飲或咳寒氣嗽雖不同悉治之

細辛

款冬花

防風

紫苑

各三兩

藜蘆

二兩

川椒

五合

右六味咬咀取藜蘆先着銅器中次紫苑次細辛次款冬花次椒以大棗百枚間在諸藥中以水一斗二升微火煮令汁盡出棗曝令燥鷄鳴時服半棗不知明旦服一枚以胸中溫溫爲度若強人欲嗽吐者可少增服之便吐膿裹結痰吐後勿冷飲食咳愈止藥藥勢靜乃食不爾令人吐不已

治久嗽不瘥方

兔屎

四升

礪砂

一分

胡桐淚

一分

雜方

右三味為末蜜和丸如桐子大每服三丸以粥飲下日
三吐冷物盡即瘥

丹蛤蚧丸治久嗽

方見陽虛效降

又方衍義治久嗽膿血胸膈

噎痛蛤蚧阿膠生犀角鹿角膠羚羊角各一兩除膠外皆

為屑次入膠河水三升煮半升臨臥細呷愈

詳見效血

療三

十年嗽以百部根二十斤搗絞取汁煎之如飴服方寸七

日三服驗

百一治久咳嗽上氣十年諸藥治不瘥方以蝙蝠除翅足

燒令焦為末飲服之

妊娠嗽

雲馬兜鈴散治妊娠胎氣壅塞欬喘急

馬兜鈴

桔梗

人參

甘草

貝母各五錢

陳皮去白

大腹皮

桑白皮

肺

紫蘇

各一兩

五味子

五錢

右咳嗽每服四錢姜三片水煎

麻黃散治妊娠外傷風冷痰逆咳嗽不食

麻黃

去節

陳皮

去白

前胡

洗

半夏

洗

人參

白朮

枳殼

貝母

甘草

各半兩

右咳嗽每服四錢葱白五寸姜三片棗一枚水同煎

紫苑湯治妊娠咳嗽不止胎不安

紫苑

天門冬

洗

桔梗

半兩

甘草

杏仁

桑白皮

各二錢半

右咳嗽每服三錢竹茹一塊水煎去渣入蜜半匙再煎

二沸溫服

天門冬

洗

貝母

人參

甘草

桑白皮

桔梗

紫蘇各半

赤茯苓二兩

麻黃去節七錢半

右咬咀每服四錢姜三片水煎